

欽定盛京通志

欽定盛京通志卷之七十一

國朝人物

七

正紅旗滿洲

欽定盛京通志卷之七十一

國朝人物

七

(正紅旗滿洲)

何和里。隸正紅旗滿洲。先世爲棟鄂部長。因以爲氏。何和里姓寬和。識量閎遠。年二十六。卽長其部。

太祖納妃哈達。身率甲士衛行。遂以所部來歸。尙固倫公主授一等大臣。從征烏拉。徇瑚爾哈路。圍扎庫塔城。皆有功。再征烏拉。

太祖欲諭降之。何和里以其渠布占。泰姓狡譎。雖降。必且叛。與費英東等力請進戰。乃滅烏拉。天命六年。從取遼陽。何和里事。遂以和里來續前國命。

太祖三十餘年。與費英東。額亦都。扈爾漢。安費揚古。爲五大臣。抒誠宣力。佐命之功爲多。授爵三等子。予世襲。及卒。費英東等俱已前死。和里因以

太祖慟哭曰。朕股肱諸臣。何不遺一人耶。順治中。追謚溫順。

多積禮。何和里次子也。初任佐領。從征烏拉。有

功。天聰中。大軍征明。薄燕京。多積禮以叅領從。  
攻克土城關。五年。從圍大凌河城。屢敗明兵。授  
三等輕車都尉世職。崇德元年。征瓦爾喀部。俘  
獲甚衆。凱旋

命禮官迎勞之。尋擢副都統。五年。偕叅領喀珠征烏扎

拉部。降其戶百餘。六年。從圍錦州。明總督洪承  
疇以兵十三萬來援。駐於松山。連營抵乳峯山。  
大軍屢敗之。復分兵絕其運道。承疇兵曰窮蹙。  
其將王樸遂乘夜遁。多積禮率騎兵截擊之。窮

追至海濱。多所斬馘。七年。以年老致仕。順治五年。卒。

和碩圖。何和里第四子也。襲父爵爲三等子。性明敏。兼通漢文。

太祖愛其才。以貝勒代善女妻之。封和碩額駙。

太宗卽位。任都統。天聰元年。從征朝鮮。又從攻錦州。寧

遠。著有勞績。二年。從貝勒阿巴泰略地錦州。戰杏山。松山。皆捷。以兵徇察哈爾。克其四路軍。敍攻。皆三等公。三年。從入大安口。敗明兵于馬蘭。

峪。再敗之石門寨。進取遵化。擊明副將申甫兵于盧溝橋。破其車營。明武經略滿桂。合總兵孫祖壽黑雲龍麻登雲諸軍。逆戰永定門外。大破之。擒雲龍。登雲桂。祖壽皆陣歿。明年。還軍取永平。拔灤州。與都統納穆泰等。留守其地。屢卻明兵。已而明兵備叅政張春。以祖大壽馬世龍諸鎮兵來犯。發礮毀州城。和碩圖突圍力戰。與叅領覺善殿而東歸。尋圍大凌河城。以所部攻其西北。明兵出城拒戰。偕都統葉臣夾擊。追奔至

城濠而還。七年卒。

太宗親臨慟哭。贈卹有加。順治十二年。追謚端恪。雍正

九年。加公號曰勇勤。子和爾本。早卒。追謚端儼。都類。何和里第五子也。初任佐領。天聰中。擢都統。與其兄和碩圖。並娶貝勒代善女。爲和碩額駙。崇德元年。從征朝鮮。克其國都城。三年。從入墻子嶺。破明兵三千於密雲。乘勝南下山東。大小數十戰。皆捷。順治元年。從入關。追擊流賊李自成。大破其衆。自成遂西竄。三年。從肅親王豪

格征四川道出西安。討平慶陽土賊。會師西充。  
殪流賊張獻忠。別將兵克遵義。夔州。先後敘功。  
並遇

恩詔。晉爵至二等伯。十三年卒。

覺善。姓李佳。隸正紅旗滿洲。初任佐領。從

太祖滅葉赫。取瀋陽遼陽。以功。授騎都尉世職。進參領。

天聰三年。從征明。下遵化。明年。下永平。灤州諸  
城。大軍旣旋。與都統納穆泰。圖爾格等留守灤  
州。明兵備參政張春以兵來攻。覺善勸衆出城。

奮稍踰塹直趨春軍。春軍皆潰走。尋春復合馬世龍諸鎮兵薄城下。發巨礮攻城。城堞毀。覺善殊死禦之。凡五敗敵。敵來益衆。攻益力。諸將突圍走。遂殿而東歸。自縛待罪。

太宗嘉其悉力守禦。特原之。加世職爲三等輕車都尉。五年。從圍大凌河城。明兵自錦州來援。猝至小凌河岸。覺善以二百人渡河迎戰。敵圍之數重。覺善左右馳擊。所向皆靡。旣破圍出。有軍校陷于陣。復拔之歸。已而張春監總兵吳襄宋偉軍

四萬。抵長山。距大凌河十五里而營。與大軍戰。力酣。覺善從貝勒碩託。以右翼兵突入春營。守營兵潰。其戰士望見營已拔。亦却走襄。偉先後遁去。春遂就擒。敘功。晉二等輕車都尉。崇德五年。擢副都統。駐守義州。六年。戰松山杏山間。八年。從鄭親王濟爾哈朗攻寧遠。克前屯衛。有功。順治元年。從入關。擊流賊李自成。傷于礮。猶力戰敗賊。二年。從順承郡王勒克德渾駐守江寧。會自成遣其黨寇擾湖北諸郡。移師征之。三年。

師至石首。賊方圍荊州。覺善率精銳馳壓賊營。賊驚走。追斬略盡。分兵勦遠安。南漳。宜昌。諸賊。次第就平。凱旋。復往平山東土賊。馘其渠掃地。王。五年。從討江西叛鎮金聲桓。擊敗其步騎七萬。明年。破南昌。聲桓中二矢。溺水死。遂圍叛鎮李成棟於信豐。先登。拔其城。成棟亦溺水死。師還贛州。盡平新喻。安福。諸賊。

賜號巴圖魯。先後遇

恩詔。並論戰功。晉爵至二等男。七年。從睿親王多爾袞

牧于中後所。不白王。遽出射獵。降一等輕車都尉。兼一雲騎尉。明年

世祖親政。察其枉。復所奪爵。擢左都御史。尋罷之。俾理副都統事如故。加封三等子。十五年。以老病致仕。康熙三年。卒。年六十有六。

賜祭葬。謚敏勇。勒碑墓道。

法譚。姓他塔拉。隸正紅旗滿洲。初以護軍校。從太祖滅葉赫。取遼陽。擢任佐領。天聰元年。征寧遠。七年。取旅順。崇德三年。自牆子嶺征明。至于山東。四

年征瑚爾哈部。六年。圍錦州。敗明總督洪承疇兵于松山。塔山。八年。再征寧遠。法譚皆從軍有功。順治元年。擢叅領。兼工部理事官。是年冬。從順承郡王勒克德渾追勦李自成于湖廣。明年春。進師石首。聞自成黨方擁衆擾荊州。法譚馳赴賊。以精騎蹂其營。賊潰走宜昌。復進擊之。自成弟孜。及僞磁侯田見秀等俱窮蹙降。累加世職至一等輕車都尉。兼一雲騎尉。康熙元年。以病致仕。三年。卒。

賜祭葬如例。

安達立。姓納喇。隸正紅旗滿洲。初任佐領。天命  
初。將兵刈鐵嶺田禾。明人挾蒙古兵來拒。擊走  
之。天聰中。戍于牛莊。時明邊將嘗利誘我蒙古  
降人。安達立乃嚴警哨。慎偵緝。有逸去者。輒追  
斬以徇。降人乃不敢貳。從攻永平。城上發砲矢  
以禦。不少卻。竟先登。下其城。擢前鋒參領。從征  
察哈爾。旋軍略大同。宣府。分兵攻崞縣。拔之。還  
伏忻口。敗明兵。多俘獲。敘功。授騎都尉世職。進

副都統。崇德三年。入牆子嶺。越燕京。南至山東。所攻輒克。五年。從圍錦州。明兵自松山來犯。連戰皆捷。六年。復從圍錦州。屢敗明總督洪承疇。援兵。七年。卒。子阿賚以追破流賊。從征山西。湖南。皆有功。晉世職一等輕車都尉。

葉克舒。姓輝和。隸正紅旗滿洲。初授佐領。天命六年。從征遼陽。明總兵李懷信引兵五萬。拒戰于城西五里。鋒始交。城中兵自西關出援。葉克舒率所部馳擊之。爭退入關。蹂踐死者枕藉。復

與大軍擊走懷信兵。遂北六十里。還攻城克之。  
以功。加三等輕車都尉世職。戰於沙嶺。多斬馘。  
晉爵三等男。天聰五年。擢兵部承政。六年。任都  
統。八年。下得勝堡。略大同。九年。大軍征明。將自  
大同入寧遠。錦州兵赴援。葉克舒截擊之。斬其  
副將劉應選。崇德元年。從克延慶州。二年。征瓦  
爾喀。師出會寧。遇朝鮮兵于吉木海。設伏斬其  
大將。收降步騎甚衆。獲駝馬器械無算。四年。征  
索倫部。進抵雅克薩。克其城。五年。設伏錦州烏